



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**CBL e theola
sekhahla**

3

**Sepolesa se
amohela setima-mollo**

7



MAPARAMENTE A ITJA SEKHABABA



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Motho ke eo u

'monang ka seiponeng

Banka e Kholo ea Lesotho (CBL) ka Boto ea eona ea Leano la Litaba tsa Moruo (MPC), e phatlalalitse e theotse sekhahla sa phaello. Le hoja litaba tsena li utloahala e ka li monate, ha li jese litheohelang ho hang, lebaka e le sesosa se bakileng hore MPC e theole sekhahla. Sekhahla sena se theohile hobane har'a mabaka a mang, Lesotho le se le theotse tlhahiso haholo ea masela e romelloang Naheng ea Afrika Boroa. Ho bonahala lefatše ka bophara le amehile kaha linaha tse tsoetseng pele tsona li t'l'o lokela ho nyolla haholo lintlheng tse amanang le matlo, lijo le mafura. Ha tse thuthuhang tsona li tla theola. Sena se bolela hore moruo ha o'a tsitsa ho hang, 'me CBL e tšepisitse ho beha maemo ana leihlo le nchoncho ka ho etsa bonnete ba hore Loti le lekana le Ranta ea Afrika Boroa, 'me ha ho ka ba le phetoho e tla lokela ho fetola maoa le eona. Ha maemo a moruo a ntse a nyolosa a theosa tjena sechaba sa Thesele se ba tlokotsing e fetang. Eare o ntse o tsitsitse ho ntse ho le thata ho mofu ho qoba lebitla. Lintho tse mona tseo re li bonang linaheng tse ling joaloka Somalia tsa batho ba bolaoang ke tlala, ekare haufinyane li t'l'o etsahala koano Lesotho. Basotho ha re luleng re falimehile ke hona 'me re leke maoala le matsapa ohle a boipheliso, ka ho ikopanyana metseng moo re tlohele ntho ena ea lekanyane ho phela le lirtse. Re hopole hore noka e tlatsoa ke linokana.

Ho bile le liketsahalo tse ngata tsa ho phethoha ha likoloi ka leboea ho naha, empa kotsi e mpe haholo ke eo ho ileng ha cha koloi ea baeti. Mokhatlo oa Rotery oa Maluti o file Sepolesa se ka Leboea sa Lesotho koloi ea setima-mollo ka morero oa ho thusetsa maemong a tlokotsi. Mookameli oa Sepolesa sa Lesotho o lebohile mpho ena haholo, 'me a tšepisa hore litho tsa habo li tla tseba ho arabela lithoko tsa sechaba kapele. O itse tlhokahalo ea lisebelisoa ke qholotso e kholo ho bona hobane ba sitoa ho thusa sechaba maemong a mang a itseng a bophelo. Ka hona koloi ena ruri e tla ba nolofatsa mosebetsi haholo. Koloi eo e fanoe ke Naha ea Japan e seng e e-na le lilemo tse 50 joale e thehile setsoalle le ea Lesotho. Sepolesa sa habo rona le filoe thepa, bontšang ka liketso hore le feela le ne le hloka thepa ha le sa fihle liketsahalang. Molomo ha o na khoele, ho bua etsoe ha ho babe, ka hona ha re boneng ka liketso tsa lona taba-tabelo ea ho thusa sechaba sena ka lerato, le latela mantsoe ana, Lepolesa, Mothusi, Motsoalle.

Kannete Lekala la Thuto le Koetliso, UNDP 'moho le Lekala la Likhokahanyo, Mahlale, Bonono le Boqapi li nkile mohato o motle haholo ka ho matlafatsa bophelo ba sechaba ka ho etsa bonnete ba hore Mosotho e mong le e mong o ba le marang-rang. Ho latela hore na lefatše la kajeno le se le sebetsoa joang, ha se hantle hore ebe ho ntse ho e-na le batho ba sitoang ho fumana marang-rang. Ka hona thuto ena e reretsoeng likolo, ha e na ho fella feela ho barutoana empa le batsoali ba tla e fumana. Mohato ona ke oa bohlokoa haholo kaha hona ho tla nolofatsa thuto haholo. Ho na le polelo mona e reng, thuto ke pitsa e maoto a mararo e leng ho hlalosang hore batsoali le bona ba lokela ho kenya letsoho thutong ea bana ba bona. Kamor'a ho fetoha ha lintho ba ne ba se ba ikutloa eka ha se karolo hobane ba re ho etsoa lintho tsa tsoelapele tseo ba se nang leseli la tsona. Lekhetlong lena ha ho na ho ba le sekoti sa ho ipata, hobane ba t'l'a fuoa kahare ho letsoho. Ntlha e 'ngoe ea bohlokoa litabeng tsena ke hore bacha ba t'l'o fumana mosebetsi oa ho koetlisa batho ba joalo.

Ke hore maparamente a Lesotho h'a hlomphe menoana ea bakhethi ho hang, ba re ha molomo oa kellele o sa shebile ka ho bona ba je nako e sa lumela. Na kannete eare ho le tlala hakaa-na ebe ba sisinya hore chelete ea paramente e nyolloe ka 3%? Ngoahola chelete e neng e abetsoe paramente e khutlile, ha e ka ea sebelisoa kaofela, lekhetlong lena ba batla billione ea Maloti. Hoa hlaka hore bakhetho ba shebane le lithahasello tsa bona e se sechaba hakaalo. Letona la Toka le Molao le hanana le taba ena 'me le bontša ha litaba tsa bophelo li lokela ho nkeloa holimo haholo, ka hoo lichelete li lebisoe Lekaleng la Bophelo.

MOLIMO A BOLOKE LESOTHO LE BASOTHO

Marang-rang ho bohle

Nthabeleng Seitlheko

Lekala la Thuto le Koetliso ka kopanelo le UNDP, Lekala la Likhokahanyo, Mahlale, Bonono le Boqapi, li thakhotse ntlafalo ea thuto ka marang-rang e tla isoa sechabeng ke bacha ba koetlisitsoeng ka mokhoa oa ho fetisa thuto, ho matlafatsa sechaba. Litaba tsena li bile seboping ea UNIPOD, ka la 5 Phato monongoaha.

Mongoli e Moholo Lekaleng la Thuto le Koetliso, Ratšiu Majara o hlalositse hore likolo tsohle li lokela ho ba karolo ea sechaba, ka lebaka lena ke takatso ea bona hore ha sekolo se tsoa ka hora ea bone batsoali le bana ba phelang metseng ba fuoe thuto ea ma-

O itse ba shebile litaba tsa ntlafalo ea melao le e kenyeletsang bohle. A re mosebetsi oa bona ke ho bona hore marang-rang a ahe-loa bohle le ho hlompheha ha litokelo tsa batho bohle. O re bothata bo boholo ka lithabeng ke khokelo ea marang-rang e fokolang le tšenyoe ea thepa.

A re leha batho ba phela hole empa ka marang-rang ba ka tseba ho ba le seabo litabeng tsohle. Ka hoo a re ba hloka mafapha ohle a tsoarane ka matsoho hore lintho tsohle li tle li atlehe.

Setsebi sa litaba tsa marang-rang, Mukai Turugare o hlalositse hore bana ba lokela ho utloisisa bohlokoa ba tšebeliso ea marang-rang a ntlafetseng le ho bona hore a ba tsoela molemo. A re ba hlokometse hore likoetliso tsohle li lokela ho tsamaisana le

ho koetlisa bacha ba t'l'o koetlisa batho ba 1,500 metseng e fapakaneng le ho nehelana ka lisebelisoa 'tablets' tse 110 le likomporo tse 55.

Motlatsi oa Mongoli e Moholo Lekaleng la Likhokahanyo, Mahlale, Bonono le Boqapi, Lineo Ramabele o itse ba hloka ka selemo sa 2030 likolo tsohle tsa be li hoketsoe marang-rang 'me lisebelisoa li anetse 75% ea baithuti le sechaba sohle se na le litsebo ka tšebeliso marang-rang. A re litsi tsa sechaba tsa thuto ea marang-rang li tla ananela batho bohle hobane bohle ba na le tokelo ea ho tseba ka litaba tsa marang-rang.

E mong oa bacha ba Rupertsoeng, Bohlokoa Maieane o bontšitse hore koetliso ena e t'l'o mo thusa ho ntlafatsa litsebo tseo a neng a se a e-na le tsona le



rang-rang e le hore le bona ba une molemo.

A re mosebetsi ona o tla thusa hore sechaba se baballe thepa ea 'muso le ho e sireletsa hobane le bona ba una molemo litšebeliso tse joalo.

Mookameli oa Lekhotla la Taolo ea Likhokahanyo Lesotho (LCA) Nizam Go laam, o hlalositse hore bona joaloka batho ba alositseng molao o tsamaisang litaba tsa marang-rang ba batla ho bona hore a fumaneha hohle le lisebelisoa li ba teng hohle kahar'a naha, kaha ba shebile ho kenyeletsang bohle haholo nakong ena eo lefatše le fumanang litaba tsohle tsa moruo marang-rang.

lisebelisoa.

O re ba hloka motho ea utloisising hantle litokelo tsa hae ha a le marang-rang, ha ho le joalo ba t'l'o kenyeletsang le bahoebi ba ntseng ba thuthuha 'moho le ba sebelisang marang-rang ho iketsetsa chelete. O re mokhoa ona oa tšebeliso ea marang-rang o thusa kholong le ntlafalolong ea sechaba.

Motlatsi oa Moeli oa UNDP Lesotho, Taye Amsalu o thoholelitse 'Muso oa Lesotho ka boemo bona ba phetoho e le ho koala sekheo se teng sa tšebeliso ea marang-rang kahar'a sechaba. A re ke tšepo ea hae hore litaba tsena li tla kenyeletsang bohle, kaha ba t'l'o koetlisa likolo tse 40 le

ho kenya tšebetsong lintho tse molemong oa ntlafalo ea naha.

O re ha ho sa na bohlokoa ba hore batho ba lle ka tlhokahalo ea litšebeliso empa marang-rang a le teng ho potlakisa mosebetsi o joalo. A re motho o lokela ho fumana litšebeliso tsohle a ntse a le lapeng kapa khoe-bong a iketsetsa mabaka a hae, 'me sena se ka fihleloa ha marang-rang a hoketsoe hohle kahar'a naha.

Ke bonyane bacha ba 40 ba fuoeng mangolo kamor'a ho phethela koetliso ea matsatsi a mararo, e bile e le ba ithutetseng litaba tsa lithuso tsa mahlale, bao bona ba tla fana ka thuto sechabeng ka tšebetso ea UNDP.

Contacts: +266 28350 466

62600983 WhatsApp

Email: newsroom@moeletsoabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsoabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

CBL e theola sekhahla sa phaello



Nthabeleng Seithleko

Banka e Kholo ea Lesotho (CBL) e tšoare Seboka sa bo-114 sa Boto ea Leano la Litaba tsa Moruo (MPC) moo e hlalositse theotse sekhahla sa phaello sa CBL ka lintlha tse 25 ho isa ho 6.75% ka selemo. Tsena li bile ka la 5 Phato monongoaha.

Mookameli oa CBL, Dr Maluke Letete o itse bokamoso ba moruo lefatšeng ha bo hlake hantle. A re le ha liphephetso li ntse li tsoela pele ka lebaka la mathata a khoebo le likhohlano tsa lipolotiki lefatšeng, Mokhatlo oa Machaba oa Lichelete (IMF) o phatlalalitse tebelo ea kholo ea moruo lefatšeng ka selemo sa 2025 ho ea ho 3.0%, ka lebaka la kholo ea khoebo le tšehetso ea lichelete tse phahameng ho feta kamoo ho neng ho lebeletsoe.

O re keketseho ea litheko e fapakana ka linaha, ka hona tse tsoetseng pele li tobane le keketseho ea litšenyehelo tsa matlo, lijo le mafura, ha tse ntseng li hola tsona li bona phokotso e it-seng ea litheko.

Afrika Boroa e le haufi le Lesotho, o re e lebeletsoe ho ba le ntlafatso ea moruo karolong ea bobeli ea selemo sa 2025, ho tloha ho kholo e fokolang ea 0.1% likhoeling tse tharo tse qalang.

A re keketseho ea litheko e ile ea lula kahare ho sesiu sa South African Reserve Bank, e leng se ileng sa etsa hore ho be le phokotso ea sekhahla sa phaello.

A re Lesotho le lona le bontšitse matšoa a phaello e nyenyane ea moruo ka khoeli ea Motšeanong 2025, ka lebaka la kholo ea tšebeliso ea sechaba le tsitsipano ea tlhahiso, hah-

lo-holo lihlahisoa tsa lifeme tsa masela tse romelloang Afrika Boroa.

Leha ho le joalo, ho ntlafala hona ho ntse ho le bonolo empa ho angoa ke ho putlama ha tlhoko ea lihlahisoa tsa Lesotho kante ho naha, litjeo tse phahameng tsa khoebo, ho tlosoa ha mananeo a tšehelisoeng ke bafani ba thuso (joaloka Compact II) le mathata a ntseng a tsoela pele khoebong ea merafo.

Lichelete tsa SACU hammoho le keketseho ea lihlahisoa tsa masela li kentse letsoho ho eketsehang ha Net International Reserves

(NIR) ka US\$50.95 Millione ho fihla ho US\$1,120.16 Millione ka la 22 Phupu 2025.

Qeto ea MPC e hlahlobile likotsi tse ka amang kholo ea moruo le tlhahiso, boemo ba leano la lichelete tikolohong, tlhoko ea ho sireletsa botsitso ba Loti le Ranta. Ka lebaka leo, CBL e ikemiselitse ho boloka chelete e lekaneng ea kante ho naha ho sireletsa botsitso ba Ranta le Loti hore Lesotho le lule le lekana le Afrika Boroa.

Dr. Letete o hatelletse

hore moruo oa Lesotho o ntse o fokola, ka lebaka la ho fokotseha ha tlhoko ea kante ho naha, litšenyehelo tse phahameng tsa khoebo, hammoho le ho tlosoa ha mananeo a tšehetso ea bafani a lichelete.

Keketseho ea litheko Lesotho e lebelletsoe ho lula e laolehile nakong e haufi, empa e ntse e le tlokotsing haeba ho ka ba le keketseho ea litheko tse tsoang kante ho naha, haholo-holo ho tsoa Afrika Boroa.

O boetse a hlalosa hore

Komiti e hlahlobile likotsi tse tobaneng le kholo ea moruo le keketseho ea litheko, leano la lichelete la tikoloho hammoho le tlhokahalo ea ho sireletsa botsitso ba Loti ho lekana le Ranta ea Afrika Boroa. Banka e rerile ho boloka chelete e lekaneng ea kante ho naha ho tšehetsa leano lena.

Komiti ena e itokiselitse ho fetola boemo ba leano haeba ho ka hlaha likotsi tse bakang ho se tsitse ha lichelete kapa keketseho e feteletseng ea litheko.



Kopano e fokotsa litjeo-Mokoko

Nthabeleng Seithleko

Setsi sa Pokello ea Lekhetso sa Lesotho (RSL) ka kopanelo le litsi tse robong tse sebetsanang le tšusumetso ea melao li tlabotse selekane sa ho sebetsoa 'moho ho loantša litlolo tsa molao le tsa bobolu le bomenemene le ho ntlafatsa tšebeliso 'moho. Tsena li bile ka la 1 Phato monongoaha.

Mookameli oa RSL 'Mathabo Mokoko o bontšitse hore naha e tobane le liqholotso tse ngata khohiso ea moruo le ntlafalo ea ona. A re ho hloka hore ba tšoarane ka matsoho ho hlola liqholotso tsohle, kaha ba hlokometse e le litsi tsa 'muso bothata ke ho sebetsoa ba arohane 'me ba ne ba sitoa ho hlola liqholotso tse ba tobileng.

O re ha ba sa sebetse 'moho mesebetsi eohle eo ba e etsang ho ntlafatsa naha e ba litjeo tse holimo. O re ba rata ho bontša Basotho hore le bona ba tla aha tšebetso ea bona ka

bohlale. A re ba hlokometse hore katleho ha ba arohane ha e na molemo empa ha ba kopana 'moho e tla ba thusa ho kenya letsoho ntlafalong ea moruo oa naha.

A bontša hore mahlo a bona a shebile haholo litabeng tse amang sechaba, joaloka liqholotso tsa moruo ka hoo ba tlameha ho bokanela lehlanya 'moho.

O re ba bona liqholotso tse kholo joaloka phetoho ea boemo ba leholimo, moruo o putlameng le ntlafalo ea marang-rang. A re ba lokela ho ba boemong ba ho sireletsa sechaba khah-



lanong le marang-rang a sa sireletsehang. A re ba rata ho bona Basotho ba e ja, Lesotho le ba letala le e-na le khotso, pula le nala.

H'a phethela o itse ke takatso ea bona ke ho seb-

etsa le Mosotho e mong le e mong ho bona hore Lesotho le'a matlafala molemong oa bokamoso ba naha ena.

Mookameli oa Lekhotla la Taolo ea Likhokahanyo Lesotho (LCA), Nizam Golaam o hlalositse hore ba tla etsa sohle ho bona hore tumellano ea bona ea sebetso le ho bona hore litaba tsohle li fihlela sechabeng. A re ba thabile e le baetapele ba litsi tsena, hobane ba tl'o fokotsa litšenyehelo le ho fokotletsa Basotho mosebetsi hore mosebetsi o tsamae ha bonolo le neheletsano e be bonolo.



MOELETSI O TŠEHETSA BACHA

Tšeliso Thakholi

Mo s o -
tho oa
k h a l e
o n e a
o p i l e
khomo lenaka h'a re kopano ke matla, etsoe lefu la noha ke ho tsamaea e le 'ngoe. Lipolelo tse na tsa bohlokoa li netefalitsoe ke bacha ba Motimposo Seterekeng sa Maseru ba nang le morero oa ho tla qala kamphani e ncha oa kopanelo ea lihlahisoa tsa letlalo tse kang mabanta a banna, mekotla, lieta tsa butsoeng le masale a basali ka bongata. Kampani ena e tlang ho ba le lebitso hang ha litlhopho le litokiso li se li phethetsoe, har'a tse ling tse ngata e tlii'o thusa bacha haholo-holo ba seng ba ntse ba e-na le litsebo tsa mosebetsi oa ho etsa lihlahisoa tsa letlalo ho ba bulela menyetla ea khoebo le tlhahiso ea mosebetsi.

Litaba tsa kamphani ena ha li e-s'o phetheloe hantle, 'me morero ke hore ha selemo sena se kolumela e be e se e kene tšebetso. Ho hlokomelile ka nako e telele hore makoko a liphoofolo ha li qeta ho hlajoa meketeng ka ho fapakana a lahloa, ha a mang a bolokelloa le bafu. Kampani ena e tlii'o potoloha le metse le metsana ea Basotho ho reka makoko a liphoofolo tsa bona. Ka hona kampani e tlii'o thusa haholo ho eketisa menyetla ea mosebetsi ka ho reka matlalo a liphoofolo tsa Basotho. Tšepo Rasebonoang o re hlalose tsa haholoanyane ka tsa kampani ea bona.

QALEHO

Re qalile re le bacha ba ikopantseng re hlahisa meriana ea Sesotho le ho rekisa poone e halikiloeng kahare ho teropo ea Maseru. Ke hona moo tšebetsong ena ea rona re ileng ra hlokomela hore 'maraka o mangata haholo oa masale, lieta le mabanta a entsoeng ka letlalo. Ke ha re tla inahana bocha, 'me ra ikopa-

nya ra rera hore re hle re thehe kampani e ka hlahisang lintho tse entsoeng ka matlalo a liphoofolo. Ra qala pele ka ho batla boelets ho litsebi le batho ba seng ba ntse ba le kahare ho khoebo ea mofuta ona. Re ile ra boela ra fuoa lithupelo ka litaba tse na tsa tlhahiso ea mabanta le lieta tse entsoeng ka letlalo, e le

si. Joalokaha re bona ba tloaetse ho nka makotikoti ba isa libakeng tseo a rekisoang ebe ba fumana chelete, le hona mona ba tla bokeletsa makoko ka bonngoe kapa ka bongata ebe rea reka ho bona.

Chelete eo ba tlang ho e fumana re tla ba fa boelets hore ba e sebelise joang e le hore e tle e ba tsoele molemo. Re

rona tse fapakaneng tsamaisong ea khoebo ena ea rona. Re batla hape re be mohlala o phelang oa ho iphelisa le ho phelisa bacha ba bang ka mofuta ona oa khoebo oo re tlang ho o qala. Re batla ho bona hore bacha ba ba le litlhoko tseo ba li hlokang, le hore ba itlhahisetse mesebetsi ka ntho e 'ngoe le e 'ngoe

LIBAKA TSEO RE TLIL'O SEBETSA HO TSONA

Kampani ea rona e tlii'o sebetse haholo le bacha ba phelang metseng ea litoropo le e ka thoko ho tsona, 'me morero ke ho tla bula liofisi Semonkong, Mantšonyane le Maseru moo re tlang ho reka makoko ho tsona. Seo re ke keng ra se etsa ke ho



ho matlafatsa litsebo tseo re seng re ntse re e-na le tsona.

Empa ra bona ho ntse ho sa lekana, ra romella litho tse ling tsa rona sekolong tse seng li ntse li e-na le leseli ka litaba tsa moroko. Hajaoale ba ntse ba e-s'o qete lithuto tsa bona kaha boraro ba bona ba tlii'o fumana mangolo ka khoeli ea Loetse monongoaha.

BOHLOKOA BA HO QALA MOKHATLO

Taba e entseng hore re bone ho le bohlokoa ho qala kampani ke hobane re ne re hlokometse hore hangata bacha ha ba e-s'o ele hloko khoebo ea mofuta ona, e leng eona e ka tsebang ho ba pholosa mathateng ao ba tjamelaneng le ona a tla le tlhokahalo ea mesebet-

na le baelets ba kampani bao e tlang hore ha ba qeta ho reka thepa ea bona re tla ba tsoarella lithupelo moo re tlang ho ba elets hore na ba ka sebelisa chelete eo joang. Ke kopa mocha a utloisise hore re tli'o fana ka boelets, ha se setlamo.

MORERO

Morero o moholo oa rona ka kampani ke ho tla reka mechini e meholo e tlang ho re thusa ho etsa tlhahiso e ngata ea boemo bo holimo. Ho feta mona morero ke ho khothaletsa bacha boikopanyo le hore ba ithukhubetse ka matla a maholo litabeng tse amanang le ho holisa likhoebo tsa bona tsa boikopanyo. Hantle re batla ho ba mohlala oa boikopanyo ka litsebo tsa

e teng metseng moo ba phelang teng, e le hore ba tsebe ho ba boemong bo hantle ba bophelo.

MELEMO EA MOKHATLO

Re na le tšepo e kholo ea hore hang ha re se re phethile tšebetso ea rona, Kampani ena e tlii'o tsoela karolo e kholo haholo ea bacha molemo o moholo, kaha ba bang ba tlii'o fetoha 'maraka oa rona hobane re tlabe re reka ho bona matlalo a liphoofolo. Hape ha re se re qalile tšebetso re tlii'o fa palo e ngata haholo ea bacha mesebetsi e fapakaneng kahare ho kampani. Bacha ba tla boela ba rue liphoofolo e le hore re tle re tsebe ho fumana makoko a liphoofolo ka bongata boo re tlang re bo hloka.

reka makoko a liphoofolo a se nang bopaki ba hore e fela lekoko la phoofolo e joalo ke la motho ea le rekisang kapa u ne u e rekile. Re tlii'o hloka mapaki e le ho qoba bosholu bona ba liphoofolo bo jeleng setsi.

KELETSO HO BACHA

Bacha kopano ke matla 'me ke ka boikopanyo feela likhoebo tsa rona li ka tsebang ho hola le ho matlafala. Ka litsebo tsa rona tse fapakaneng ha re kopaneng ho itlhahisetsa mesebetsi. Taba e kholo ea rona ke ho khothaletsa bacha boikopanyo hoba ke eona taba ea bohlokoa e ka tlišang lipheto. Ka boikopanyo ho boetse ho ba bobebe hore ba fumane lithuso kapele ho holisa likhoebo

Sekhamane o tjeba Mahao

Nthabeleng Seitlheko

Motsa maisi oa Lipuisano Ntlong ea Bakhethoa, Mohlomphehi Tlohang Sekhamane o lahletse matjoing tšisinyo ea Moetapele oa Mokha oa Liketso le Bophethahatsi (BAP), Prof. Nqosa Mahao ea hore paramente e ke e behelle mesebetsi eohle ka thoko e tšohle boemo ba tlokotsi boo Basotho ba tobaneng le bona Afrika Boroa. Litaba tsena li bile ka Ntlong ea Bakhethoa ka la 4 Phato monongoaha.

Sekhamane o ile a hlalosa hore kopo ea eona ha e'a qhoahelloa le bopaki ka hona o lahla taba eo, ebile ho na le sehlobotho se bileng teng hore litaba li tsamaea le bopaki.



Prof. Nqosa Mahao o hlalositse litaba tsena 'mokeneng oa litaba oa la 5 Phato monongoaha, hore ba ile ba fumana lengolo ho tsoa ho litho tsa bona tsa mokha tse phelang Afrika Boroa li lla seboko sa phohomela ka tsoaro eo ba thulanang le eona nahaneng eo.

O re litaba tsena li fihli-

le ho bona ba se ba ile ba li bona le litsing tse ling tsa phetiso ea litaba ka hore ho na le batho ba ipopileng bao mosebetsi oa bona eleng ho tsamaea Litsing tsa Bophelo ho hlahloba batho, ha motho e se moahi oa naha eo o'a leleka libakeng tse joalo.

O re litaba tsena ba ile ba

ikeletsa hore ba li hlahise e le tšisinyo ka Lekhotleng la Sechaba hore li tšetšethoe ke paramente e le ho sireletsa litokelo tsa Mosotho ho sa tsotellehe hore na o hokae o entse'ng. A re ke tokelo ea 'muso ho bona hore Mosotho e mong le e mong o tsoaroa hantle.

O re taba e ba makatsang ke hore 'Muso oa Lesotho o mometse ha o re letho ka litaba tse amang Basotho naheng eo, ba entse tšisinyo kahar'a molaoana oa 29 hore ho ke ho emisoe lipuisano kaha'a Ntlo ea Bakhethoa ho sebetsoe taba ena e potlakileng, empa ha e'a ka ea chabeloa ke letsatsi.

O supile ha e 'ngoe ea litaba tse bakang tšotleho tsa Basotho e le tlhokahalo ea libukana tsa ho eta tseo ba lokelang ho li sebelisa ho tsamaea lipakeng tsa linaha. A re ha ho bonolo hore Basotho ba mosebetsing ea

bona hobane bahiri ba naha eo ba ba sebelisa hampe kaha ba bang ba qetella ba lelekoa mosebetsing ba sa lefshoa hoba ho se moo ba ka llelang teng.

"Hoseng hona ke tsoa borokhong ke setse taba ea hore ka Labone bosiu motho oa mosali ea neng a se na bophelo bo botle o tingoe kalafo Afrika Boroa. Mosali ea kulang o ile a oela ka lelumeleng a tselisoa nokeng ke lirurubele hobane bukana ea hae ea ho eta e ne e jele matsatsi." Ke Mahao eo.

O re mosali eo o batliloe eaba h'a fumanoe kaha eka moo a oeleng teng ho rafuoa lehlabathe 'me ho tebile haholo.

O itse taba ea libukana tsa ho eta ke bothata bo boholo bo amang bophelo ba Basotho. A tsoelapele hore ha se khale ha Naha ea Afrika Boroa e na le kopano le ea Lesotho moo ho sa tsebahaleng hore na ho tekenetsoe'ng e sitisang tokoloho ea bana ba Basotho naheng eo.

O re 'muso ha o etse se lekaneng hore Basotho ba fuoe libukana tsa ho eta le hore ba etsetsoe lithopho tse lekaneng hore na ba lokolohe joang ho phela naheng eo.

A re 'muso o sitoa ho buela Basotho hore ho be le motsamao o lokolohileng lipakeng tsa linaha tsena tse peli. A re mathata a Basotho a ke ke a emisa ha feela Lesotho ka 'muso oa lona o sa ikemisetsa ho kena lipuisanong tse tebileng ho loanela bophelo bo botle ba sechaba sa Lesotho.

"Lesotho le ka tsoa har'a mathata ohle a lona, ha le ka theha boto ea meralo e tlang ho sebetsana le meralo eohle ea ntlatso le kholiso ea moruo oa lona, e tlang ho fetoha lesika la thole khaoha, 'me puso e 'ngoe le 'ngoe e kenang litulong, e sebetse ka meralo ea eona." A rialo.

O re 'muso ona o iphanyelitse litšotlo tse etsetsoang Basotho ke Afrika Boroa, tseo tharollo ea moshoelella ea tsona e ka bang tumellano ea Lesotho le Afrika Boroa e kang ea Iceland le United Kingdom, moo Basotho ba ka bang le litokelo tse tsoanang le tsa Ma-Afrika Boroa mobung oa eona. O re polelo ena, e tla kamor'a ho utloa seboko sa Basotho ba reng ba tingoa litšebeletso tsa bophelo ke naha eo, ba phalalisoa le ho hlahleloa lichankaneng ka lebaka la ho hloka litokomane tseo 'Muso oa Lesotho o sitoang ho ba fa tsona.

Ba keteka le maqheku le bana

Tseliso Thakholi

Mokhethoa oa Lebatooa la Ha Abia, Thuso Jacob Makhalanyane ka kopanelo le Letlole la Ntlatso ea Sechaba sa Abia(ADF), ba ile ba keteka le ho thaba le sechaba sa Lebatooa la Ha Abia ka ho fana ka limpho tsa liphahlo le likobo ho maqheku, bana le masea a metse e supileng ea lebatooa moketeng o neng o tsoaretsoe Lebaleng la bolo la Ha Abia, Maseru ka la 2 Phato 2025.

H'a bua le sechaba se neng se khobokane ka bongata moketeng ona, Makhalanyane o boletse hore sechaba sa lebatooa la habo ke sona se sotlehileng ka ho fetisisa mafapheng ohle a fapakaneng a bophelo kahar'a mabatooa a teng a Maseru kaha ho e-na le tlhokahalo ea litsela, khaello ea phephelo ea metsi, tlala le tšireletseho ea bophelo ba

sona.

"E kholo ka ho fetisisa ke tlala le tšireletso ea bophelo ba bona. Bo-nkhono, bo-ntate-moholo, bacha, batsoetse le bana ba tsietsing e kholo ea tlala le tlhokahalo ea tšireletso." A rialo a bile a eketsa ka ho khothaletsa sechaba boikopanyo metseng e fapakaneng ea sona e le ho loantša tlala le litlolo tsa molao tse bonahalang li se li se na taolo lebatooeng la Ha Abia.

A re eena e le mokhethoa o thehile likhoebo le bacha e le ho fokotsa tlhokahalo ea mesebetsi metseng ea lebatooa lena. A re o boetse o thehile Letlole la Ntlatso ea Sechaba sa Abia(ADF), leo morero e leng ho tla tsoela sechaba metsuntsunyane le mekhoe ea bophelo e kang ea lijo, liphahlo le ho ithehela mesebetsi e tla tsoela sechaba sa Ha Abia molemo. "Lintho tse ling ha u li etse ka matla a hau empa ke ka matla a Morena Molimo." O

boletse joalo.

A tiisa hore ADF ke letlole le bopang sechaba ho se etsa ngatana 'ngoe, ha se ntho ea lipolotiki, 'me e re retsoe ho tla loantša bofuma le tlhokahalo ea mesebetsi kahare ho sechaba ka ho ikopanya. "E reretsoe ho pholosa lona le le sechaba maamong a tlokotsi ao le leng kahare ona hobane



ke na le lerato le tebileng ho lona." Ke Makhalanyane eo. A re hajoale o se a qalile ka tlhahiso ea mesebetsi metseng e supileng ea lebatooa la Ha Abia, e le ho loantša tlala le bofuma bona bo aparetse lebatooa.

A re haele tabeng ea tšireletso ba ne ba lokela hore ebe ba se ba qalile khaho ea motebo-ntloana oa sepole-sa, setšeng sa e 'ngoe ea likampani tse khohle kahar'a naha, e le ho loantša litlolo tsa molao tse jeleng setsi kahar'a lebatooa, empa ho banahetse ho e-na le ho se shebele litaba 'moho, 'me mafelong a khoeli ena hae-ba litaba li ntse li e-s'o loke ba tla ea aha sebakeng sa



Khubelu. "Ke tla leka sohle se matleng a ka ho bona hore le sireletsehile". O boletse joalo a bile a phethela litaba tsa hae ka ho khothaletsa sechaba boikopanyo e le ho loantša tlala le litlolo tsa molao.

Lebitsong la Letlole Mofumahali Mamello Ralebitso o itse morero o moholo oa Letlole ke ho ntlatsoa bophelo ba sechaba sa Ha Abia le ho bona hore se phela ka boiketlo. A re lintlatso tsa mantlha tseo ba batlang hore sechaba se be le tsona li kenyeletsa motebo oa sepole-sa e le ho fenyha litlolo tsa molao, Setsi sa Bophelo le tlhahiso ea mesebetsi molemong oa bacha le batho ba baholo.

Lebitsong la ba abetsoeng limpho Mofumahali Selloane Motjopi o lebohile Mokhethoa oa Lebatooa le Letlole ka lithuso tsena tse molemo tse tlang ho ba thusa nakong ea serame. A kopa hore ba thusoe haholo ho feta mona moo ho seng ho ntse ho qaliloe, ka mekhoe ea ho itlhalisetsa mesebetsi le pheliso ea litlolo tsa molao.



Khampepe o bolokile bophelo ba lesea

Nthabeleng Seitlheko

Lekala la Bophelo le phatlalalitse Leano la Naha la ho felisa phetisetso ea HIV, Syphilis le Hepatitis B ho tloha ho 'ma ho ea ho ngoana (Triple Elimination). Ketso ena ke karolo ea boiteko ba naha ba ho ntlafatsa bophelo bo botle ba sechaba le ho thibela ho ata ha mafu ana har'a basali ba bakhachane le bana ba bona. Litaba tse na li bile 'mokeng oa la 5 Phupu monongoaha.

Sethole Mangose, Mookameli oa Lenaneo la Thibelo ea Boimana (Family Planning), o hlalositse hore Lekala la Bophelo ka kopanelo le Lenaneo la PMCT (Prevention of Mother-to-Child Transmission) le qalile tšebetso ena ka selemo sa 2023, 'me litsi tse ling tsa litereke li se li qalile ho hlahloba bakhachane bakeng sa maloetse ana. A re lenaneo lena le thusitse haholo ho fokotsa phetisetso ea HIV ho tloha ho 11.5% ka selemo sa 2020 ho ea ho



le reretsoe ho matlafatsa mehato ea thibelo.

Ka lehlakoreng le leng, Dr. Llang Maama ea buileng lebitsong la Mookame-li-Kakaretso oa Lefapha la Bophelo, o bontšitse hore sepheo sa PMCT ke bopa-

O boetse a hatiseletsa ka hore ho sebetsa 'moho e le tsamaiso ea bophelo ho tla ba thusa ho aha bokamoso bo chabileng bo se nang maloetse ana.

E mong oa batsoetse ba unneng molemo oa ho fumana litšebeliso tsa bophelo tse atlehileng, tse bolokehileng bakeng sa lesea la hae, kamor'a ho fumana hore o phela le tšoaetso ea HIV/ AIDS, Thato Khampepe ea lilemo li 23 ho hlaha Sepetleleng sa Berea, o khotalelitse basali ba tlaase lilemong ho latela methati eo lingaka li ba khotaletsang ho e late-la nakong ea bokhachane hore ba se iphumane ba tšoaletse bana.



5.1% ho sa 2023.

Leha ho le joalo, o re naha e ntse e-s'o fihlele sepheo sa Mokhatlo oa Bophelo oa Lefatše (WHO) sa ho felisa phetiso ea HIV ka botlalo, ka hoo leano lena le lecha

ki ba sepheo sa naha sa ho felisa mafu a ka thibeloang a fetisetsoang ho tloha ho 'ma ho ea ho lesea. A re bana ba lokela ho hlaha ba phetse hantle ba sa tšoaroa ke mafu.

O re ngoan'a hae o likholeli li 19, 'me o phetse hantle ka hoo o nkutloa e le mosali ea bapetseng karolo ntlafalong le kholong ea hae e ntle. A re ho bohlokoa hore basali ba itšireletse le ho ipaballa khahlanong le mafu, ka ho tšepahalla lithare molemong oa ho boloka bophelo.

Moralo oa naha oa 2025–2029 ke mohato oa bohlokoa o bontšang boitlamo ba naha ho sireletsa bophelo ba bo-'m'e le bana. Ho sebetsa ka kopanelo, ho bokella lipalo-palo tse nepahetseng, le ho matlafatsa meralo maemong a litereke ho tla thusa ho fihlela pono ea naha e se nang phetiso ea HIV, Syphilis le Hepatitis B ho bana. Bana ba phetseng hantle le bo-'m'e ba bolokehileng ke motheo oa sechaba se phetseng hantle.

<https://whatsapp.com/channel/0029VaksSPUJUM2dmlGDNh20>

Follow Moeletsi oa Basotho

Official WhatsApp Channel

and stay connected!

Fumana litaba tsa morao-rao, litsebiso, likhatiso le tse ling ka potlako ka menoana feela!

WhatsApp: 6260 0983

www.moeletsiabasotho.co.ls

ESTATE NOTICE

Estate Late LETSIE AND MALESHOBORO MOSHOESHOE E/L32/25

Notice is hereby given in terms of section 37 of the Administration of Estates and Inheritance Act 2024 calling upon all heirs, legatees and creditors of the deceased to attend a meeting on the 3rd September 2025 at 10:00 am at **TIM OFFICE COMPLEX THABA-TSEKA** for purposes of proposing some person/ persons to be appointed by the Master as executor dative to the above mentioned deceased person's estate.

DATED AT THABA-TSEKA THIS 30TH DAY OF JULY 2025

Master of the High Court Office
TIM OFFICE BUILDING
Thaba-Tseka

Maparamente a tlolisa sechaba mahlo-Bacha

Nthabeleng Seithleko

Komiti ea Bacha ba Lekhotla la Kopano ea Sechaba (AD) e re boiketo ba Paramente ea Lesotho ba ho batla ho nyallolea chelete sebakeng sa ho arabela lithoko tse ling tsa eona ka 3% bo se chabeloe ke letsatsi kaha e se na molemo ho sechaba. Litaba tsena li netefalitsoe ke Motlatsi oa Seboholi sa Komiti ea Bacha ba AD, Mocheke Mpeka puisanong le Koranta ka la 6 Phato monongoaha.

O re e le bacha ba AD ba eme ka tieo ho hanyetsa litaba-tabelo tsa ho nyolla tekanyetso ea chelete e fuoang paramente ho tloha ho M194 Millione ho ea ho M1 Billione e leng keketse e hakanyetsoang ho 3% ea moruo oa naha bakeng sa selemo sena.

O re taba ena ho ea ka polelo ea bona e le bacha ha e molemong oa naha kaha sechaba se imetsoe ke bofuma, ho hloka mosebetsi, le lithoko tsa mantlha tse sa fihleloeng. Ka lebaka lena o bontša ha ho eketsa chelete ka bongata bo joalo e le ho imetsa sechaba le ho se se nahanele.

Ba re selemong se fetileng feela, paramente e ne e fuoe M154 Millione empa ea sebelisa M146 Millione feela, ka hoo ho hlakile hore chelete eo e se e ntse e le holimo ho lithoko tsa bona.

Ba re ho'a makatsa le ho nyahamisa hore ha ho na mabaka a utloahalang a bontšang hore keketseho ena e kholo e lokela ho etsoa. Ke boikaketsi le boithati ho tloha ho baemeli ba sechaba ba lokelang ho beha lithoko tsa sechaba pele ho tsa bona. Ha ho utloahale hore 'muso o ka khaola likhakanyo tsa mafapha a mang empa o mathelela ho matlafatsa lichelete tsa paramente.

"Re le bacha ba AD re re chelete ena e kholo e lokelela ho sebelisoa ho hlahisa mosebetsi ho bacha, ho ntlatfatsa tlhokomelo ea bophelo, thuto, le ho felisa bofuma." Ke polelo ea bacha eo.

Ha ho na toka hore paramente e be le tokelo ea ho ikekeletsa chelete ka 3% ea moruo oa naha ka lebaka la hore feela ba batla ho rua molemo.

Ba re ba kopa Tona-Kholo, Letona la Toka le Molao le la Lichelete le Ntšetsopele ea Meralo ho hana le ho sitisa



Sepolesa se amohela setima-mollo

Nthabeleng Seithleko

Mokhatlo oa Rotery oa Maluti o nehelane ka koloi ea setima-mollo ho Sepolesa sa Lesotho e reretsoeng ho thusetsa ho sechaba sa Basotho se phelang ka leboea ho naha nakong eo ho ka bang le likotsi tsa mebileng, mollo o ka qhomang likhoebong le malapeng e le ho netefatsa polokeho ea bophelo ba Basotho le thepa ea bona, nakong ea tlokotsi ea mollo. Tsena li bile ka la 5 Phato monongoaha.

President ea Mokhatlo oa Rotery oa Maluti, Yanda Sikazine Mothae o hlalositse hore setima-mollo sena se tsoa Naheng ea Japan Mokhatlong oa Rotery. Ka hoo a ipiletsa ho sepolesa ho e baballa ka le reng ke sehopotso sa nako e telele sa maqhama a setsoalle se mofuthu lipakeng tsa Naha ea Japan le Lesotho.

O itse e tliša tšepo ea hore thuso e tla ba teng ha

ho qhoma mollo o ka amang likolo, malapa, likoloi le tse ling. A re koloi ena e tlišo boloka bophelo le thepa e le ho tliša botsitso kahar'a sechaba nakong ea lilemo tse tlang.

Mookameli oa Sepolesa sa Lesotho, Adv. Borotho Matsoso o hlalositse hore koloi ena e fihlile ka nako e nepahetseng moo naha e tobaneng le likotsi tsa mebileng ka leboea ho naha. Ka hona o re e tlišo nolofatsa mosebetsi oa sepolesa sa habo oa ho pholosa bophelo ba Basotho nakong ea mollo. A tsoelapele hore koloi ena e tlišo ba thusa haholo lefapheng le shebaneng le litaba tsa tlokotsi ho bona sechaba se fumana thuso nakong ea tlokotsi.

A re khaello ea lisebelisoa e etsa hore ba sitoe ho thusetsa ha bonolo moo ho hlokalahalang thuso e potlakileng, ka lebaka leo sepolesa se tliša tseba ho arabela lithoko tsa sechaba le ho lula se le malala-a-laotsoe ho arabela lithoko tsa sechaba tse amanang le mollo. O itse ba tliša nolofalloa ke mosebetsi ha lithu-

sa-tšebetso li le ngata ba tliša khona ho anela le naha ho arabela litaba tsohle tsa tlokotsi.

A re boholo ba likotsi tse hlahang matsatsing ana ba lokela ho lula ba ithlophe-tse ho arabela tlhoko tsa sechaba haholo tsa mollo hobane likoloi li bonahala li cha 'moho le matlo le thepa e ngata.

Motlotlehi Letsie III e bile e le Mohlokomeli oa Mokhatlo ona Lesotho, o hlalositse hore ho timela ha batho ka lebaka la mollo o qhomang ho bang nakong eo ho bang le likotsi tsa mebileng haholo ka leboea ho naha e se e tlo ba pale ea maobane.

O re liketsahalo tsa ho cha ha likoloi, matlo kapa thepa li etsahala khafetsa hobane ho se lisebelisoa tse teng matsohong ho ka thusetsa hore li se etsahale le ho thusana nakong ea tlhoko le ho boloka bophelo. A re o lumela hore koloi ena e tliša thusa Sepolesa sa Lesotho ho anetsa phano ea litšebeletso moo ho hlokalahalang. A re setsoalle sa Naha ea Lesotho le Japan se feta lilemo tse 50.



keketseho ena e sa utloahaleng. Ha ho mohla 'muso o ka sireletsang sechaba ha o ntse o mamela le ho amohela liphetofo tse joalo.

Ba re bokhothokhotho bono bo ka sebelisoa ho hlahisa mosebetsi e phatlalalitsoeng e le koluoa ke 'muso o litulong. Ba ekeli-tse ka hore paramente ha e na tjelo, e ile ea khutlisa limilone tse robeli tsa Maloti tse e neng e li abetsoe ngoahola.

Mpeka o re maparamente a se a ntse a fumana chelete ea mafura le mero-potso e hlamatsehang, ka hona ba sebelise eona. H'a phethela o itse ba ile ba lula fatše ho shebisana taba ena le boetapele ba AD, bo ileng ba bontša bo sa e tšehetse, ka lebaka leo ba ipiletsa ho AD ho se be karolo ea maparamente a tliša kenya letsoho ho lumellana le taba ena, kaha e se molemong oa sechaba empa e le ho molemong oa batho ka bo bona.

Letona la Toka le Molao, Mohlomphehi Richard Ramoeletsi o sisintse hore Lekhotla la Sechaba le lahle sehloathiso sa 3% ea kakaretso ea khakanyo chelete ea paramente.

Letona le re naha e to-bane le mathata a mangata a kenyeletsang a hlahang Lekaleng la Bophelo, ka hona ho'a fosahala hore paramente e abeloe chelete e ka holimo ho billione. O re ba lokela ho sheba lithoko tsa sechaba.

Ntlo ea Bakhethoa e ile ea ba le lifoutu ka la 7 Phupu monongoaha, 'me taba ea 3% e ile ea bohloka ke lintja.

Tseba boemo

ba hau u


alafshoe



MoB KIDDS

EDUTAINMENT

Puzzle MoB 93-4597



- Across
- 3 Monna oa 'mangoane oa hau. (8)

4 Ho beha lintho pooaneng. (6)

6 Lekunutu (7)

7 Motho ea binang kapa ea tsebang ho beha litaba tsa hae ka makhethe. (7)

10 Nyene (Malatoli). (5)

11 Pula (mahlalosangoe) (7)

13 Letsatsi (9)

16 Ho sheba ka hohle, u batla se seng. (6)

17 Lira (Malatoli). (9)

18 Tšohanyetso (mahlalosangoe) (6)

19 Mosali oa ho qetela basaling ba sethepu. (7)

20 Mofuta oa basali moo mosali a nyaloang oa matsoa-thaka a ntse a phela. (7)
- Down

1 Bolokoe ba khomo bo emmeng. (7)

2 Lentsoe le bontšang motsamao. (11)

5 Lelinyane la phoofolo le hlhileng le shoele. (11)

8 Kheleke (Malatoli). (8)

9 Ho oma nthane. (Ketso) (6)

- 12 Ho fa motho lijo. (10)

14 Ngoan'a malome. (8)

15 Khoeli ea pele ea selemo sa Basotho. (5)

THAROLLO

MoB 93-4596



TSA KEREKE

Ba ekeletsoa matla



Tšeliso Thakholi

Likomiti tse ncha tsa Parish ea Maria Mo-fumahali oa Lefatše ‘moho le Bakatekista ba amohetseng thomo ea ho ba baamoelisi kahare ho Kereke ea Morena Molimo, li ile tsa ekeletsoa matla ka ho fuoa tlhohonolofatso le ho hlaisoa kapel’a phutheho ea bakriste, litšebelatsong tsa Sehlabelo se Halalelang sa ‘Missa tse bileng Parishing ea Mazenod ka la 3 Phato 2025.



Sehlabelo sena sa ‘Missa o Halalelang oa tlhohonolofatso ea likomiti tse ncha le Bakatekista se ne se eteletsoe pele ke Fr. Joseph Paoane OMI a tlatsitsoe ke Fr. Phillip Lekhooa OMI le mong’a Parish Fr. Patrick Khoaele OMI. Khothatsong ea hae e matla kapel’a sechaba sa bakriste Fr. Phillip Lekhooa OMI o boletse hore lintho tseo re li etsang tsa lefatše lena li fetoha mafeela-feelane ha feela re ka sitoa ho elelloa hore na Morena Molimo ke mang kahar’a bophelo ba rona le har’a lintho tseo re fetang kahar’a tsona bophelong ba rona ba letsatsi ka leng.

A re le ha re ka sebetsoa kathata nyene le bosiu ra ithlokisa boroko ka lebaka la lintho tsa

lefatše lena, ha feela re sitoa ho elelloa boholo le boteng ba Morena Molimo kahar’a bophelo ba rona tsohle li fetoha lefeela la mafeela-feelane. “Rona re joang? Re hopola Molimo ha re le maemong a joang a bophelo ba rona ba letsatsi le letsatsi?” Ho botsa Fr. Lekhooa a bile a eketsa ka ho re hlokomelisa hore re lokela ho batla Kriste linthong tse holimo moo teng a fumanehang e leng moo Morena Molimo a ka re lemosang le ho tseba ho lokisa bophelo ba rona.

A re re lokela ho hlobola motho oa khale re apare

motho e mocha ea tla re lemosa lerato la Morena Molimo le ho tseba hore na Kriste ke mang kahare ho bophelo ba rona. A bontša hore bophelo ba lefatše lena bo tletse lintho tse litšila tse re sitisang ho phelisana ka khotso le lerato. Ka hona re lokela ho ikelelloa hore na re bo-mang le hore na re kakatletse’ng. A qetella ka hore maruo le matlotlo a rona a re thuse ho re lemosa hore re bahlanka bao Morena Molimo a re fileng ona hore thusa ho ba basebeletsi, ho baballa le ho phelisana ka khotso bophelong ba rona ba letsatsi ka leng.

H’a lebohela Bakatekista le ho laea likomiti tse ncha molula-setulo ea neng a nehelana

ka marapo, Monghali Mohale John Lehlohonolo o itse hore Kereke e phethe mosebetsi oa eona ohle, e hloka thetsano ea batho ba bangata ba kenyeletsang babishopo, baprista, badiakone, baitlami, bakatekista, litichere, likopano le bakriste. A re litho tse ncha li lokela ho talima holimo hoba ke Morena Molimo feela ea tšepahalang linthong tsohle. “Shebang sefapano hoba ke hona moo tšepo ea lona e leng hona teng le ho etsa mosebetsi e molemo.” A rialo.

A re le ha ba ka sebelisa mahlale a bona ha ba ntse ba

etsa mosebetsi oa bona, empa moo ba thulatang le mathata ba hopole hore ke Morena Molimo feela ea ka rarollang mathata a bona. “Ha le fumana liqholotso li rarolleng ka kutloano le li shebisane. Moo e bang liqholotso li ba teng le amohela hore matsoho ho lutla a sebet-sang, etsoe motho h’a motle tseke-tseke.” A rialo a bile a phethela ka ho ba hlokomelisa hore katalemono le lipuisano tsa bona ho phutheho ea bakriste e be tse mofuthu, ‘me litaba tsohle tsa bona ebe tse nang le ponaletso.

Mopristsa oa Parish Fr. Patrick Khoaele OMI o ile a lebohela le ho lakaletsa likomiti le Bakatekista tšebelisanano ‘moho e mofuthu.

2024-2025 SELEMO C

SONTAHA SA 19 HAR'A SELEMO



Bohlale 18:6-9
Pesalema 32
Ba-Heberu 11:1-2.8-19
Luka 12:32-48

Khothatso



E se ka lipolelo feela

Lipalo tsa kajeno li re qholotsa ho phela tumelo ea rona, ho e bontša bophelong ba rona ba letsatsi le letsatsi. Ha rea lokela ho e bontša feela ka Sontaha mohlomong ha re ea kerekeng, ka ho apara liaparo tsa likopano tsa rona ka ho fapakana. Ntliha e kholo eo re lokelang ho e shebisisa hantle ke ena: Ana tumelo ee ke karolo ea bophelo ba rona kapa ke e ‘ngoe ea lintho tseo re li etsang feela hobane re tlamehile?

Bophelo ba rona ba mehleng ena bo tletse lerata le lintho tse ngata tse ka re khelosang, empa Kriste o re lemosa ho tšepa Molimo Ntate. Re tlohele ho ba le letsoalo, re rekise tsohle tseo re nang le tsona, re thuse mafutsana le bahloki. Tsena re se li etse feela ka papiso empa ka tieo le ‘nete re tlose litšoso tse fosahetseng ‘me re phele bophelo boo metso ea bona e leng leholimo la Ntate. Re lokela ho phela joalokaha eka Kriste o teng har’a rona hona joale, hobane ruri o teng. Ha re se lokisetseng feela ho tla ha hae la bobeli empa ho tla ha hae letsatsi ka leng lipelong tsa rona, litlhong tsa bana ba habo rona le metsotsong e lekanang tšepo ea rona.

Lengolo ho Ba-Heberu le neng le ngoletsoe Bajuda ba neng ba sa tsoa sokolohela Bokristeng le hlalosa tumelo e le bonnete ba lintho tse tšepiloeng le bopaki ba tse e-s’o bonoe. Tumelo e kenyeletsa ho sia tsohle tse ka sitisang ho amohela Morena Molimo ka moo a leng teng. Kaha ho Eena tsohle li ba le bophelo, ‘me ke eena lintho tsohle. Litaba tsa tumelo re ka li bona hape litabeng tsa Abrahama le mohats’ae Sara, bao Morena a ileng a ba tšepisa hore ba tla ba le mora. Ba ile ba lumela tsena tsohle le hoja ba ne ba sa tsebe hore na li tla etsahala joang. Ke ka hona ba ileng ba latela meetlo ea bona, eaba Sara o kopa Abrahama ho etsa ngoana le lekhoa la hae. Morena Molimo o ne a e-na le mokhoa oa hae, ka hona eitse ha Sara a se a fetile lilemo tsa ho beleha le Abrahama e se e le mobu, eaba Sara e ba moimana.

Morena Jesu kajeno h’a re feela re lumele ho Molimo Ntate empa re phele joaloka batho ba lumelang, hona re ka ho bontša ka likhetho tsa rona, lintho tseo re li behang pele bophelong le makhabane a letsatsi ka leng. Mosebeletsi ea tšepahalang ha se ea lebellang feela ka tumelo empa ke ea phelang ka lerato, toka, mohau le ho ba seli. Leeto la Abrahama ‘moho le mosebeletsi ea ileng a boloka lebone le ntse le tuka, liketso tsena li bontša tumelo e malala-a-laotsoe e seng e thehiloeng holima tšabo, empa holima tšepo.

Ho phela tumelo ea rona ho bolela hore kamehla ha re tsoha re lokela ho ba le maikutlo a ho etsa lintho ka potlako, ho lebella, ho arohana le tšabo le taolo ebe joale re tšepa Morena Molimo ea tšepahalang kamehla.

Ka hona ha re qalelleng ka ho ipotsa hore na, ha Kriste a ka kokota monyako ua hau kajeno, ebe o tla fumana u le malala-a-laotsoe? E se feela ka ho lumela empa ka liketso. Ha re kopeng Morena ka tieo le tšepo hore tumelo ea rona e be lebone kapa mollo o hotetsang lipelo tsa balumeli le bahetene bohle. Bophelo ba rona ba tumelo e be mohlala o hohelang le ho tsoaetsa batho ba sa lumelang. Liketso tsa rona li fetohela likarabo lipotsong tsa batho ba ipotsang hore na hantle tumelo ke’ng, e lokela ho pheloa joang le hore na e na le thuso ha kae. Har’a lefatše lena le tletseng moferefere, boikhabo le boichebo, re be leseli kapa tšepo ea hore ho na le mokhoa o mong o ka phelehang, ‘me o ka tsoelang bohle molemo.

Bahalaleli har’a Beke

11	Phato	Digna
12	Phato	Just
13	Phato	Wigbert
14	Phato	Eusebius
15	Phato	Alipius
16	Phato	Roch

FCL e'a keteka Lepereng

Tšeliso Thakholi

Mokhatlo oa Le-sotho o Tsa-maisang Papali ea Libaesekele (FCL) o tlii'o tsoara mokete oa semetletsa Setsing sa Komiti ea Naha ea Liolimpi-ki ea Lesotho (LOC), Maseru mafelong ana a beke ka Sontaha, ho tsoaea khoeli eo o neng o thehoe ka eona le ho ananeloa ka molao ke

mekhatlo e meholo ea lipapali ea LSRC le LNOC e le karolo ea mekhatlo e oelang tlasa eona.

Raliphatlatso oa FCL, Monghali Malefane Morie o boleletse Koranta hore mokete oa mofuta ona o tsoaroa selemo le selemo ho tloha mokhatlo o thehilo-oe ka selemo sa 2000. O re ba tlii'o keteka ka lipapali tsa mejao ea libaesekele ba sebelisa mofuta e 'meli ea libaesekele e leng Mountain

Bike le BMX. O re Mountain Bike ke mofuta oa baese-kele o sebelisoang mejaong e mekhatloanyane, e me-telele le lesokoana. Ha BMX eona e sebelisoa habeli e leng mejaong ea Pump Track moo ho hloisanoang ka nako e khutšoanyane le ho thenthetsa ho natefisa mokete.

O re hofihlela hajoale lipalami tse tummeng haholo tsa mabelo a machaba tse kang Kabelo Makatise oa

Roadbike eena h'a na ho ba teng ho hang kaha e bile e se sepalami sa Mountain Bike, Tumelo Makatile eo e leng sepalami sa Mountain Bike a le teng kahara naha, empa le eena a ke ke a tla keleno lipapali tsena kaha ka la 11 Phato a tlii'o khutlela sehlopheng sa hae Naheng ea Switzerland.

O bontšitse hore sepheo se seng sa bona ke ho tla hohela le ho khotaletsa basali le banana ka ho ba fa monyetla oa ho kenela lipapali tsena mahala ba sa ntše ho ngoliso ea letho. A re basali le baroetsana ba lebeletsoe ho tla ka bongata ka libaesekele tsa bona

tse maemong ba bile ba makarapa molemong oa tšireletseho ea bophelo ba bona. "Ho feta mona re lebeletse motho e mong le e mong ho tla ba teng ho tla kenela mejao ena." A rialo.

A re sepheo se seng hape sa mokhatlo oa bona ke ho khotaletsa ka matla a maholo basali le banana ho kena lipapaling tsa libaesekele ka bongata kaha hajoale ba sa ntse ba e-na le banana ba robong feela bao e leng lipalami tse matla tsa libaesekele. A qetella ka hore likhalala tse tla beng li shebiloe ka leihlo le nchocho ka lehlakoreng la banana ke Lerato Lerata le sepalami se kotsi haholo sa libaesekele e leng Pontšo Makatile.



Manonyane e apareloa ke leru le letšo

Tšeliso Thakholi

Mokhatlo oa Le-sotho oa Bolo ea Maoto (LeFA) o fane ka matšeliso ho Sehlopha sa Bolo ea Maoto sa Manyane se okametsoeng ke leru le letšo kamor'a ho lahlehelo ke bo-raliphatlatso ba sona ba babeli ba bohlokoa haholo ka nako e khutšoanyane e leng Mosito Bekebeke le Mpo Ramokotjo 'Mashome' ka moo a neng a reneketsoa ka teng selika-likoeng sa papali ea bolo ea maoto. Bobeli bona bo hlokaletse ka ho latellana kamor'a ho kula nako e khutšoanyane.

Bobeli bona bo hloka-hetseng ka mafu a sekahla bo ile ba sebeletsa sehlopha sa Manonyane ka lerato le ka boitelo boholo e le bo-raliphatlatso, 'me Bekebeke o hlokaletse ka la 25 Phupu ha Ramokotjo e le ka la 30 Phupu. LeFA e boetse ea isa matšeliso ho Sehlopha sa Bolo ea Maoto ea Basali sa Bokamoso Ladies ho thoba lipelo tsa sona ka ho lahlehelo ke sebapali sa bona e leng Rethabile Litabe ea hlokaletse ka la 19 Phupu monongoaha.

Monghali Bekebeke o tla bolokoa Roma ka la 9 Phato ha Litabe a tla phomotsa borokong ba hae ba ho qetela Ha 'Masana letsatsi le tsoanang. Athe Ramokotjo eena o tla bolokoa Nazareth ka la 16 Phato. Ho ea ka Molula-Setulo oa Bo-raliphatlatso, Monghali Kofa Rantai lefu la likhalala tsena ke tahlehelo e kholo haholo lihlopheng tsa bona le papaling ea bolo ea maoto ka kakaretso. Ka hona ho tla ba boima haholo ho fumana batho ba tsoanang le bona kaha ba ne ba se ba e-na le litsebo tse ngata tsa mosebetsi oa bona.

President ea Sehlopha sa Manonyane, Monghali Mokhosi Mohapi o itse ke ntho e nyarosang haholo ho lahlehelo ke batho ba bohlokoa hakana ka nako e khutšoanyane kaha ba ne ba etsa mosebetsi oa bona ka boitelo ba bile ba e-na le lerato ho bohle. A re ba tlii'o sitoa ho lebahela ha bobebe, 'me a tsoantša mosebetsi ona oa bona le mosali ea lulang a shoeloa ke banana, eo ka tloaelo ho thoeng o na le sebete se sesoeu.

A re maemo ana a mo nyarositse 'me o tliilo etsa tšisinyo ho komiti ea habo hore e ke e emise hanyane ho tla tlatsa sekheo sena se

siiloeng ke likoenkoetla tsena, nako ea selemo e le ho ilela bao Morena a seng a ba bilelitse 'musong oa hae. E mong oa bo-raliphatlatso Monghali Tankiso Moletane oa Sehlopha sa Lioli ea sebelitseng le Mashome nako e telele o ile a mo phafa ka hore e bile motho ea neng a e-na le lerato la mosebetsi oa hae. "E bile motho oa khotso ea neng a rata sehlopha sa hae sa Manonyane ka pelo eohle ea hae e boetse e le motho ea neng a lula a qabola batho ka metlae ea hae



ka linako tsohle." Meea ea bona le ea balumeli bohle e ke e phomole ka khotso ka mohau oa Molimo.

27 350 562 / 57396597 (whatsApp)
bookcentre@mazenodprinting.co.ls

SCHOOL BOOKS

now available on the Akello Online Library!

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book

Enjoy reading offline anytime on the Akello App.

<https://library.akello.co/>

Alliance e betsa khoba

Tšelis Thakholi

Kampani e tše-hetsang lihlopha tse 'ne tsa Liki e Kholo e leng Matlama, Lioli, Linare le LCS, e entse nalane lekhetlo la pele papaling ea bolo ea maoto monongoaha, ka ho kenyeletsa lihlopha tse 'ne tsa bolo ea maoto ea basali mohopeng oa selemo le selemo oa Alliance Challenge, o tlii'o bapalloa Mabaleng a Bambatha le LCS ka la 16 ho isa la 17 Phato 2025.

Litaba tsena li tiisitsoe ke Ofisiri e Kholo ea Liphatlalatso ea Alliance Mofumali Limakatso Mokobocho 'mokeng oa baphatlalatsi ba litaba tsa lipapali matsatsing a ho feta moo ho neng ho etsoe lotho ea lihlopha tsena tse ncha tsa bolo ea maoto ea basali. Ho ne ho boele ha hlahella hona 'mokeng oo hore lihlopha tse tla qothisana lehlokoa Lebaleng la LCS ka la 16 Phato ke Berea Ladies, Matlama Ladies, LCS Ladies le Linare Ladies. Athe tsa banna tsona li tla bapalla Lebaleng la Bambatha ka la 17 Phato moo LCS e tla bapala le Matlama ha Linare e tla koebana le Lioli.

Ho ea ka Mokobocho Mohope ona o seng o nkile sebopelo se secha o retsoe ho thusa lihlopha



tse tšehetsoang ke Alliance hore li qale lipapali tsa tsona khoeling e tlang li e-na le ho hong ka mokotleng, ho li thusa kaha bohlo ba lihlopha li hula ka boima ha li qala selemo sa lipapali hobane li se na letho ka mokotleng. Litlholisano tsena li tlii'o boela li e-ba molemo ho chorisa libapali ho itokisetse lipapali tsa tsona tsa liki.

Raliphatlalatso oa sehlopha se sireletsang Mohope oa Alliance Challenge sa Matlama, Monghali Themba Talane o itse ba maamong a matle haholo a ho sireletsa mohope oa bona ho feta tse ling tseo ba tlang ho lebanya thebe le tsona. O buile tsena le Koranta kamor'a hore sehlopha sa habo se arohane le tse ling tsa libapali tsa sona tse nang

le nalane e ntle haholo ea papali ea bolo ea maoto, e leng mohlaba-lintlha ea hloahloa Lazola Tjokotjokoane, Pontšo Moabi eo e leng 'mapala-hare le Lise-ma Lebokollane ea seng a e-na le boiphihlelo bo boholo lipapaling tsa kahare ho

naha le tsa machaba bakeng sa ho bapala moleng o kamorao.

"Bosieo ba banna bao ha bo na ho utloahala ho hang le ha e bile karolo ea sehlopha nako e telele, ho ba ho shoa ha lesole le leng ke ho tsoha ha le leng, 'me ha u

sheba sehlopha sa rona, re na le ba ntseng ba setse ba nang le nalane ea lilemo tse ngata sehlopheng ba bile ba bapalla sehlopha sa naha. Re boetse re na le ba 18 ba bacha bao re qetang ho ba tekana." A rialo. A tiisa hore sehlopha sa Matlama se ipabola kamehla le ho ikhetholla ho tse ling ka ho tseba ho fumana libapali tse hloahloa ka tsela e khethehileng.

A re e meng ea meoloane eo mokoetlisi e mocha a e fuoeng ke ho hahara mehope eohle ea lihlopha tse kholo. Ka hona ba na le tšepo e tiileng ea hore ba tlii'o sireletsa Mohope ona. Ke lekhetlo la bohloano Matlama e ntse e hapa mohope ona, 'me sehlopha se tla hlahisa boemong ba pele se tla hapa chelete eohle e kaalo ka M100,000.00. Haele tse tla hloloa li se li tla ithakola menyepetsi ka ho arolelana, chelete e tlang ho bokeletsoa ha batšehetsi ba bolo ba ntse ba lefa lihekeng ho tla boha lipapali.



Na e tla o besa o tuke?

Ho sa le joalo, Bompoli ba bacha ba Liki e Kholo

Boroa eona e tla tjamelana le Ntopwa Ladies, Beauties Ladies ea Naha ea Malawi le Zesco Ndola Girls ea Zambia.

Haele sehlopha se tummeng haholo ka papali ea sona e tsoileng matsoho linaheng tsa Tikoloho e ka Boroa ho Afrika e leng Herental Queens ea Zimbabwe e tla botsana lipotso le Clube de Desportos da Costa do Sol ea Mozambique le Olympic De Moroni e bonahalang e ntlafalitse maemo a eona a papali naheng ea habo eona ea Comoros. Haele lipapali tsena tsona li tla bapalloa Junifesithing ea Johannesburg, Afrika Boroa ka la 22 ho isa la 31 Phato. Ho feta mona Sehlopha sa Naha sa Likuenta se qalile boitokiso ba sona khahlanong le Bafana Bafana lipapaling tsa ho phunyaletsa ho ea Mohopeng oa Lefatše o tlii'o tsoaroa isao. Papali ena e kholo e tlii'o bapalloa Lebaleng la Toyota Stadium, Bloemfontein ka la 5 Loetse e le ho fa Basotho ba bangata monyetla oa ho tla boha sehlopha sa bona.

Tšelis Thakholi

Maikutlo a barati le batšehetsi ba Sehlopha sa Bolo ea Maoto sa Naha sa ba katlase ho lilemo li 17 sa Bahlabani, ba bontšang tšepo e khaphatsehang ho sona, ba bontšitse hore selemong sena ba na le tšepo e kholo ea hore ba tla phunyaletsa ho ea ho makhaola-khang a Mohope oa U-17 African Cup of Nations kamor'a lotho e bileng Johannesburg, Afrika Boroa ka la 5 Phupu 2025.

Ba re ho latela lotho e entsoeng Bahlabani e behiloe motheong ho latela lihlopha tseo e pannoeng le tsona Mokhahlelong oa C e leng Angola, Botswana le Mauritius. Ho feta mona ba re sehlopha sena se bile le lehlohonolo le lehlo la ho fumana lipapali tse 'maloa tsa machaba papisong le nako ea ho feta moo se ileng sa bapala litlholisano



tse 'maloa se sa ka sa e-ba le boitokiso bo lekaneng. Ba mema Basotho bohle ho tšehetsa sehlopha sa bona moo ba reng ba na le tšepo ea hore ba tlii'o khutla ba tsoere mohope lekhetlo la pele nalaneng ea bolo kahar'a naha ena ea Moshoeshoe.

Mokhahlelong oa A Zimbabwe e pannoeng le Mozambique, Comoros le Eswatini. Ha Mokhahlelong oa B e le Zambia, Afrika Boroa, Madagascar le Malawi. Lipapali tsena li tla bapalloa Naheng ea Zimbabwe ka la 11 ho isa la 20 Loetse 2025.

ea Basali Kick4Life e tlii'o bapala Sehlopheng sa B le lihlopha tsa United Ladies SC ea Botswana le Young Buffaloes ea Eswatini mohopeng oa lihlopha tsa basali tseo e leng bahloli ba liLiki linaheng tsa habo tsona. Haele Mamelodi Sundowns Ladies ea Afrika